

左恪靖侯奏稿續編

恪靖奏稿續編卷六十六目錄

攻克清城連克托克遜堅巢摺

請將羅長祚等獎勵摺

擬保官階作爲底銜摺

爲武軍嚴軍會覓城隘詳細情形摺

請飭撥部款暫濟急需摺

攻克達坂城連克托克遜堅巢摺

奏爲官軍進規南路攻克達坂城夷回擒斬無遺連克托克遜堅巢逆豎狂竄並分兵會克吐魯番滿漢兩城詳細情形請

旨獎敘以勵軍心恭摺馳陳仰祈

聖鑒事竊官軍會克吐魯番兩城大概情形已於三月二十九日專摺馳陳惟時劉錦棠攻克達坂城托克遜捷報由烏垣古城驛站遞肅轍由吐魯番取道哈密遞肅遠輸千餘里未能速到茲據三品卿銜布政使銜西

甯道騎都尉世職法福蘇阿巴圖魯劉錦棠三月十三日由達坂城馳報三月初一日親率馬步各營旗及開花礮隊由烏魯木齊踰嶺而南初三日抵柴窩鋪派隊修壘留營駐紮偵知達坂踞賊堅守如故遂於是日黃昏派陝安鎮總兵余虎恩提督陶生林黃萬鵬參將崔偉畢大才禹益長禹中海游擊李金良夏辛酉各率馬隊漢中鎮總兵譚上連提督戴宏勝陳廣發譚和義各率所隊於是夜初鼓銜枚疾走乘賊不覺逕趨達坂期以五鼓會集城下立合鎖圍杜賊竄逸夜間我軍前進

中途斬賊探十騎近城十餘里又擒兩賊一安集延兵
一本地纏頭回訛供達坂城之賊尙謂官軍在紅廟未
來也近城一派草湖淤泥深及馬腹蓋賊新引湖水圍
阻官軍者余虎恩陶生林夏辛酉率馬隊掠過深淖列
城左山岡譚上連譚和義賊宏勝陳廣發率步隊列城
後山河黃萬鵬崔偉畢大才馬正國等各以馬隊與余
虎恩馬隊聯接成陣禹中海禹益長李金良等各以馬
隊與譚和義聯接成陣天明霧收賊在城頭瞥見官軍
環列圓陣勻布整齊擎洋鎗指擊並發開花大礮我軍

傷亡十餘人屹立如故自卯至午城中鎗礮不歇劉錦棠策馬周覽城壕誘賊出擊所至賊鎗密注于下如雨從騎有傷者劉錦棠坐騎亦中于立斃易馬而前飭各營嚴防衝突一面築壘掘壕以斷援賊初五日甯夏鎮總兵譚拔萃解開花大礮至相地築立礮臺探報山後有賊五六百騎來援此飭陶生林等率馬隊迎頭往巢甫出隘口與賊相遇鎗礮對施賊殊猛撲余虎恩令長矛手上前攢刺立斃悍賊十餘名陶生林夏辛酉率隊左右包抄賊騎却退官軍追逐五六里擒斬頗多忽前

途騎賊千餘紛馳而至敗餘之賊遂竄入其羣一併狂奔而逸訊據生擒賊供先後兩起騎賊均怕夏第二子海古拉喊令來達坂探援者不虞甫近達坂卽爲官軍擊收城中投出繯回報稱安夷盼援不到官軍鎖圍日逼羣議突圍而走劉錦棠傳令嚴防夜間列燧照耀光如白晝初六日城東礮臺成是夜初鼓礮臺子牆成劉錦棠令參將候名貴都司莊偉率弁丁護開花大礮三尊測準安放飭先轟賊中大礮臺次轟月城及城垛三礮連環疊轟勿任間斷踰時城中礮臺傾圯城身及月

城已轟坍散口最後一子飛墮城中子藥房轟然一聲
山摧地裂大風驟起火燄更張引燒賊儲藥彈及所有
開花子碎笥震撼賊中人馬碎裂遺齒堆積城賊開東
門結團竄走東馳西突經官軍刀矛攢刺卒不得出劉
錦棠傳令賊中裝束稍異者縛獻有賞於是大小頭目
悉致麾下無一人一騎漏網者總計是役破寨陣斃焚
斃之賊二千數百餘名生擒一千二百餘名奪獲賊馬
八百餘匹精利鎗礮軍械一千四百餘件大開花銅礮
一尊官軍陣亡員弁勇丁五十二員名受傷者一百十

六員名此三月初七日克達坂城夷回悉數擒斬之詳細情形也劉錦棠飭道員羅長祐等提訊生擒各賊計安集延人二百十三名南八城及吐魯番托克遜等處纏回八百六十五名哈喇沙爾土爾扈特種人大十九名本地回民一百六十四名內有安集延夷官大通哈一員其名爲愛伊德爾呼里大通哈者猶華言大總管也又安集延脾色提六員一愛什邁特一宜牙子邁特一毛喇阿邁特一他亦爾呼羅一愛里邁特一邁買地里脾色提者猶華言營官也又安集延玉子巴什三十

太員南八城玉子巴什二十二員玉子巴什猶華言哨
官也其餘夷職尙多則華稱管理執事什長之員纏回
與安集延語言相近劉錦棠令纏回通事傳話譯供得
其崖略據大通哈愛伊德爾呼里供願遣人報知怕夏
縛送逆回白彥虎表歸順之誠繳回南八城地方再求
恩宥各胖色提同聲代怕夏乞款劉錦棠試令其歸向
怕夏面陳一切受伊德爾呼里等堅稱情願留軍中候
怕夏回音以明心跡劉錦棠許其各遣親信數人告知
怕夏及海古拉將大通哈等發交余虎恩暫行羈押將

王子巴什等解交留防烏魯木齊提督湯秀齋看守其
就縛之南八城各回土爾扈特種人及土回等則均給
以衣糧縱令各歸原部候官軍前進或爲內應或導引
各酋自拔來歸各賊目於喪膽之餘懷不殺之德皆驚
喜過望踴躍歡呼而去其前此潛赴烏垣求撫土回三
百餘名給以牛種令就達坂舊城水城耕墾栽植俾復
故業料量甫畢十一日潛師夜起十二日辰刻抵白楊
河派道員羅長祐甯夏鎮總兵譚拔萃肅州鎮總兵章
洪勝巴里坤鎮總兵席大成提督陶生林譚和義湯仁

和率馬步六營分由東南進吐魯番劉錦棠自率漢中
領總兵譚上連提督黃萬鵬張沛李隆寶戴宏勝陳廣
發賀長發總兵董福祥副將胡登花參將田九福催偉
畢大才禹益長馬正國禹中海游擊李金良等馬步十
四營由西南進直搗托克遜城行九十里未刻抵小草
湖據托克遜纏回報安西聞達坂已失大小頭目無一
倖脫驚懼不已急圖逃竄逆首白彥虎嗾其死黨四出
搶掠人畜焚燒村堡裹脅纏回隨同奔竄泣求大軍速
援並稱大軍所遣免死回日馳歸宣布官軍威德回眾

無復疑懼俱延頸以待官軍劉錦棠立飭將士傳餐軍
馬隊先發步隊繼之脯後齊抵近城十餘里間瞭見前
面火光四起隱隱聞鎗礮聲知賊正圍攻莊堡也黃萬
鵬卽率所部馬隊急進忽馬步賊隊從路旁空莊衝出
將官軍前後包圍勢殊猖獗黃萬鵬崔偉畢大才禹益
長禹中海李金良縱橫衝殺正鏖戰間劉錦棠率馬步
大隊馳至飭譚上連戴宏勝陳廣發賀長發由左路董
福祥田九福由右路橫截而出劉錦棠常自率各隊由中
路繼進比近城號鼓齊鳴殺聲振天賊眾驚潰舉火自

焚存糧火藥棄城而逃官軍緊追鎗礮止刀矛接黃萬鵬等復從內殺出賊屍遍野餘賊紛竄天明瞭望敗賊約千餘騎向西而逃劉錦棠飭譚上連董福祥率所部馬步追之立復托克遜城撲熄餘火而本地纏回及所裹吐魯番哈密迪化陝甘各處回民約二萬餘齊跪馬前乞降劉錦棠受之令繳鎗械戰馬聽候遷移安插午刻譚上連黃萬鵬等回報追賊三十餘里斃賊三四百名生擒十力名奪戰馬數十匹鎗械數百件而還訊據生擒賊供海古拉白彥虎於十二日各帶隨身騎賊護

其輜重及開花大礮洋鎗蒼黃西竄留悍賊二千餘並
本地纏回及裏來吐魯番哈密各處回眾以綴官軍是
役斃賊約二千餘名生擒百餘名奪獲戰馬數百匹鎗
械二千數百件受降二萬有奇而官軍陣亡者三十九
員名受傷者五十三員名此三月十三日劉錦棠一軍
克復托克遜城之詳細情形也十五日劉錦棠接譚拔
萃羅長祐等馳報奉派分路前進盡一日一夜之力十
三日寅刻齊抵吐魯番適張曜徐占彪兩軍同日從東
路馳至遂會克滿漢兩城安集延所置阿奇本馬人得

諸軍前乞降回眾萬餘跪地求撫羅長祐等受之吐魯
番全境蕩平竊維官軍自上年克古牧地堅巢連復烏
魯本齊兩城軍威日盛安集延酋怕夏及陝西逆日白
彥虎甘回馬人得等偷息南路官軍本可乘勝急進掃
蕩而前以取破竹之勢因會攻瑪納斯南城稍滯戎機
至十月以後大雪封山則履冰踰嶺勢有難行矣怕夏
與白逆得乘其暇移達坂新城於兩山間高厚堅整迥
殊常度築成怕夏以大通哈及大小各頭目踞爲堅巢
又以托克遜爲由烏垣紅廟進南路總要隘口形勢最

勝堅築兩城於此官軍不能飛越築成怕夏以次子海古拉率悍黨踞爲堅巢至吐魯番雖路通哈密然東距哈密尙千餘里東北距巴里坤古城中段穆家地溝一帶七百餘里自東西鹽池以東又分踞賊黨穩踞其吐魯番舊有滿漢兩城木尙完固海古拉又日役萬夫修築王府雄濶堅固足資踞守怕夏固自謂設險重疊有恃無恐也不料達坂遽爲官軍所破一人一騎不返官軍乘勝進攻托克遜風聲一播白彥虎卽棄吐魯番海古拉卽棄托克遜踉蹌而逃曾不停趾也以目前局勢

言之南八城門戶洞開應卽整旆長驅以符緩進急戰之議惟怕夏自去冬派其大通哈等守達坂城海古拉守托克遜城白彥虎馬人得守吐魯番城原擬力抗官軍自居哈喇沙爾爲中樞伸縮自如計茲海古拉白彥虎敗蹙西逃達坂破而大通哈就擒吐魯番棄而馬人得就撫爲怕夏計如知去逆效順縛白彥虎獻南八城固可不重煩兵力否則深溝高壘先據形勢圖老我師則官軍分道長驅集糧轉饋事不容已仍宜多方措置勞與費不能惜也官軍由吐魯番進哈喇沙爾爲程一

千零二十里由托克遜進哈喇沙爾近一百八十里水草雖可就便而沿途產糧非多仍須裹糧而行一面由吐魯番節節轉饋而前始免缺乏吐魯番產糧雖廣時值新穀未升一時採運維艱無可指成數且官民駝隻疲乏已極又值歇廠屆期長途運脚無從雇備勢非仍由巴里坤哈密轉現糧用車馱灌輸吐魯番不可現飭哈密巴里坤兩局就儲存之糧分撥車馱一由巴里坤入穆家地溝取道七克騰木關展以達吐魯番一由哈密取道瞭墩以達吐魯番且需協濟前敵各軍車馱由

吐魯番轉托克遜是戰事利鈍雖在前茅而採運勞費
仍責重後路也臣飭劉錦棠速謀進取務出萬全咨張
曜同赴前行兼籌糧運飭孫金彪徐占彪留吐魯番加
意拊循毋失回民之望委候補道雷聲遠帶同隨營文
員赴吐魯番設局辦理撫輯採運善後事宜委狄道州
知州奎拔署理吐魯番同知委候選府經歷賀炳璽署
吐魯番巡檢委補用典史陳壽傳署開展巡檢均刊給
木質關防印記管理回務盤詰游匪以靖地方已據稟
報成行矣此次大軍約期三道並進兩旬之間攻拔各

要隘疊復各城池將領士卒持滿而發奸夷逆賊應弦而干斬擒以萬計受降以數萬計是皆仰賴聖謨廣運於萬里以外情狀洞矚無遺而諸軍感荷皇仁踴躍奮勉迅赴戎機其勞績實有未可掩抑者合無仰懇

天恩加之獎敘以勵前勞而策後效庶邊方戢事有期矣總理行營營務處總統馬步全軍

賞穿黃馬褂三品卿銜布政使銜騎都尉世職法福靈阿巴圖魯甘肅西甯兵備道劉錦棠出奇決勝每戰身

先方略優嫻機宜允協屢經奏

逾格優敘此次應如何獎勵出自

天恩

賞穿黃馬褂頭品頂戴題奏提督陝西漢中鎮總兵雲
騎尉世職伯奇巴圖魯譚上迎

賞穿黃馬褂頭品頂戴題奏提督陝西陝安鎮總兵雲
騎尉世職奇車博巴圖魯余虎恩

賞穿黃馬褂頭品頂戴記名提督甘肅甯夏鎮總兵雲
騎尉世職岐什晉祥巴圖魯譚拔萃以上三員迅赴戎

機忠勇奮發連克城隘克著勛勤均請

恩施逾格獎勵

賞穿黃馬褂頭品頂戴記名提督雲騎尉世職奇朗阿
巴圖魯譚和義

賞穿黃馬褂記名提督伯奇巴圖魯黃萬鵬以上二員
奮逃無前艱險不避連克城隘勞苦備臻懇

恩逾格獎勵頭品頂戴記名提督葉鏗額巴圖魯陶生
林頭品頂戴記名提督額爾克巴圖魯戴宗勝頭品頂
戴記名提督剛安巴圖魯陳廣發頭品頂戴記名提督

哲爾精阿巴圖魯張春發提督銜記名總兵阿爾杭阿
巴圖魯董福祥以上五員均請

賞穿黃馬褂

賞穿黃馬褂頭品頂戴記名提督甘肅巴里坤鎮總兵

雲騎尉世職霍隆武巴圖魯席大成

賞穿黃馬褂頭品頂戴記名提督克垣阿巴圖魯肅元

亨頭品頂戴記名提督蘇彰阿巴圖魯李隆寶以上三

員均請

旨交部照頭等軍功從優議敘記名提督年昌阿巴圖

魯湯仁和記名提督鄂爾巴圖魯賞長發以上二員均
請

賞給頭品頂戴記名提督甘肅肅川鎮總兵懿勇巴圖
魯章洪勝請

賞換清字勇號總兵銜補用副將雄勇巴圖魯胡登花
請免補副將以總兵補用並請

賞換清字勇號副將銜留陝補用參將田雨公請免補
參將以副將仍留原省儘先補用並請

賞給勇號參將銜補用游擊克復烏魯木齊各城案內

擬保副將銜補用參將夏辛酉請免補參將以副將儘先補用並

賞給勇號留甘補用參將鋒勇巴圖魯崔偉請免補參將以副將仍留原省補用並

賞換清字勇號留甘補用參將畢大才馬正國禹益長禹中海以上四員均請免補參將以副將仍留原省補用並

賞給勇號補用游擊李金良請以參將留於甘肅補用並

賞給勇號頭品頂戴記名提督張沛李有成陳建厚李
泗益趙寶林匡義志以上六員均請

旨交部照頭等軍功從優議敘記名提督葛致清彭明
達段柏溪蕭拱照王義和申道發歐陽勝提督銜記名
總兵克復烏魯木齊各城案內擬保記名提督呂桂華
以上八員均請

賞給頭品頂戴歐陽勝呂桂華並請

賞給正一品封典記名提督劉曉山蘇有慶唐宗堯提
督銜記名總兵吳恒山朱浚雲以上五員請

賞給正一品封記名總兵王玉秀緯謝復勝以上二員均請

賞給正二品封典記名總兵曾義昌補用總兵劉清輝副將銜補用參將唐華光留陝推補游擊譚上法以上四員均請

賞給勇號記名提督賴勇巴圖魯喻先達記名提督裕勇巴圖魯張仕林記名總兵使勇巴圖魯譚洪發留江西補用副將堅勇巴圖魯徐文麟以上四員均請賞換清字勇號副將銜補用參將彭禮堂請

賞給清字勇號補用總兵王賢俊副將銜補用參將陳
錦泰補用參將周龍渭留甘補用游擊克復烏魯木齊
各城案內擬保副將銜仍留原省補用參將王泰福以
上四員均請

賞給勇號記名總兵束勇巴圖魯周萬和提督銜記名
總兵業普肯巴圖魯胡楚楠提督銜記名總兵西吉爾
琿巴圖魯鄧政升記名總兵奮勇巴圖魯劉福田提督
銜記名總兵喻志興記名總兵勁勇巴圖魯陳國明提
督銜記名總兵畢論巴圖魯易榮昌記名總兵劉長其

許德勝記名總兵銳勇巴圖魯張佳志提督銜記名總兵忠勇巴圖魯岳朝珍提督銜記名總兵汪友德推補副將克復烏魯木齊各城案內擬保總兵廖世泰胡義和以上十四員均請以提督請

旨交軍機處記名遇有提督總兵缺出請

旨簡放鄧政升易榮昌並請

賞給正一品封典周萬和劉福田張佳志岳朝珍並

賞換清字勇號喻志興許得勝汪友德廖世泰並

賞給勇號總兵銜陝甘推補副將李桂堂副將銜補用

參將克復烏魯木齊各城案內擬保總兵銜留陝甘遇
缺推補副將湯詠山以上二員均請以總兵遇缺推補
湯詠山并

賞給勇號總兵銜補用副將龍春華彭勝金楊先勝田
仲魁王俊邦總兵銜兩江補用副將陳鵬翥總兵銜留
湖南補用副將彭秀文總兵銜留甘補用副將石蘊玉
王廷俊湖南補用副將張復良留陝甘推補副將曾昭
德留甘補用副將楊月照張友舉推補副將朱懷德李
明清副將銜補用參將克復烏魯木齊各城案內擬保

副將周大美以上十六員均請以總兵請

旨交軍機處記名

簡放張復良曾昭德張友雲並

賞給正二品封典王傑邦周大美並請

賞給勇號副將銜補用參將果勇巴圖董天海補用游
擊克復烏魯木齊各城案內擬保副將銜補用參將傅
其政以上二員均請以副將留甘儘先補用董天海並
請

賞換清字勇號傳其政並請

賞給勇號補用參將趙自新副將銜補用參將查春華
胡桂廷參將銜補用游擊克復烏魯木齊各城案內擬
保副將銜補用參將王桂林以上四員均請以副將遇
缺推補留甘補用參將克復烏魯木齊各城案內擬保
留甘推補副將陳萬勝請

賞加總兵銜並

賞給勇號陝甘儘先卽補參將克復烏魯木齊各城案
內擬保儘先推補副將侯名貴請

賞加總兵銜並

賞給勇號填江西推補副將克復烏魯木齊各城案内
擬保提督銜仍留原省遇缺卽補總兵王春發請

賞給勇號補用參將左祥發宋祖喜楊其祥藍翎補用
參將李能傑補用游擊克復烏魯木齊各城案内擬保
補用參將潘洪順吳春魁以上六員均請以副將儘先
補用並

賞給勇號李能傑並

賞換花翎參將銜補用游擊克復烏魯木齊各城案内
擬保補用參將溫振和藍翎補用游擊何克元補用都

司克復烏魯木齊名城案內擬保補用參將倪三星以
上三員均請

賞給勇號參將銜留陝補用游擊克復烏魯木齊各城
案內擬保副將銜留原省補用參將張榮補用游擊克
復烏魯木齊各城案內擬保副將銜留陝補用參將王
寶山藍翎補用游擊克復烏魯木齊各城案內擬保留
甘補用參將鄭得茂陝西補用游擊克復烏魯木齊各
城案內擬保副將銜留原省補用參將段發義以上四
員均請以副將仍各留原省儘先補用鄭得茂段發義

進

賞給勇號參將銜留浙補用游擊克復烏魯木齊各城
案內擬保留原省補用副將蔡福謙請

賞給勇號並

賞給二品封典補用參將李永昭請以副將留於陝西
儘先推補並

賞給勇號藍翎補用守備克復烏魯木齊各城案內擬
保補用游擊萬先並補用游擊趙奉樂藍翎參將銜補
用游擊江三元以上三員均請以參將儘先補用萬先

益江二元並請

賞換花翎趙奉樂並請

賞給勇號副將銜補用參將王全勝請以副將留於甘肅補用並請

賞給勇號補用游擊賀雲陶張立德留陝補用游擊劉萬明藍翎補用游擊張管英趙輔清以上五員均請以參將儘先補用賀雲陶並請

賞加副將銜張立德並請

賞給勇號張管英趙輔清並

賈煥花翎補用都司克復烏魯木齊各城案內擬保參
將銜補用游擊陳祥發請以參將留於甘肅儘先推補
藍翎都司銜補用守備克復烏魯木齊各城案內擬保
補用游擊李全忠請以參將儘先推補並請

賈煥花翎參將銜補用游擊方純盛請以參將儘先補
用游擊銜留湖南補用都司克復烏魯木齊各城案內
擬保參將銜補用游擊程步鰲留陝補用都司克復烏
魯木齊各城案內擬保留原省補用游擊王全喜以上
二員均請以參將仍留各原省補用並請

賞給勇號補用都司莊偉藍翎補用守備克復烏魯木齊各城案內擬保補用都司林語以上二員均請以游擊留於甘肅儘先補用林語並請

賞換花翎補用都司克復烏魯木齊各城案內擬保補用游擊王定德請以參將留於甘肅儘先補用並請

賞給勇號補用都司克復烏魯木齊各城案內擬保補用游擊楊全勝請以參將留於陝甘儘先補用補用都司劉萬福董占富連福守備銜拔補千總克復烏魯木齊各城案內擬保補用都司海有德以上四員均請以

游擊儘先補用藍翎補用守備克復烏魯木齊各城案
內擬保補用都司賀武陞胡德超以上二員均請以游
擊儘先補用並

賞換花翎游擊銜陝甘補用都司黎貴發趙楚南以上
二員均請以游擊仍留原省儘先補用並請

賞給勇號游擊銜補用都司李有倉藍翎游擊銜補用
都司倪元宵補用都司姚建仁譚用賓藍翎都司銜補
用守備克復烏魯木齊各城案內擬保補用都司方有
才藍翎補用守備克復烏魯木齊各城案內擬保補用

都司沈山連李澤法張泰華以上八員均請以游擊補用譚用賓沈山連李澤法張泰華均請

賞給勇號並

賞換花翎方有才倪元宵並請

賞換花翎都司銜補用守備克復烏魯木齊各城案內擬保留陝西補用都司金湧華補用守備克復烏魯木齊各城案內擬保游擊銜補用都司陳桂華以上二員均請以游擊補用並請

賞給勇號湖北補用守備克復烏魯木齊各城案內擬

保游擊銜留原省補用都司馮國晉請免補都司以游
擊留原省補用其餘出力員弁勇丁容卽查明彙案保
獎陣亡記名總兵譚聲俊補用總兵勛勇巴圖魯王隆
秀推補副將尹忠瑜龍雲亭補用游擊劉得斌劉禹卿
游擊銜補用都司吳英莫補用都司蕭鵬堂羅德隆朱
光亮胡世福李常定李紫堂譚桂堂都司銜補用守備
孫占武補用守備譚東成丁榮貴曾啟明劉志開拔補
千總楊茂勝吳春榮李有堂譚斌臣王三元凌順德謝
典禮何定坤徐升發鍾吉祥拔補把總劉輝祥田運官

劉德斌李秀存鍾漢臣黃廷寶丁得勝謝長生王昌榮
孫治清李洪亮王明亮余大鵬以上四十二員均係攻
堅奪隘血戰捐軀深堪憫惜應請

旨飭部各照官階從優議卹以慰忠魂餘俟查明彙奏
謹將官軍進規南路攻克達坂城夷回擒斬無遺連克
托克遜堅巢並分兵會克吐魯番滿漢兩城詳細情形
會同幫辦新疆軍務大臣伊犁將軍臣金順恭摺馳陳
伏乞

皇太后

皇上聖鑒訓示施行謹

奏 光緒三年四月二十五日

請將羅長祐等獎勵片

再花翎按察使銜陝西遇缺題奏道羅長祐辦理營務
謀勇兼資上年帶隊助攻瑪納斯茲復會克吐魯番剿
撫協宜最爲出力請

賞加二品頂戴並請

賞給勇號又已革湖南衡州府鄉縣教諭楊嶽方克復
烏魯木齊各城案內擬請開復原官原資免繳捐復銀

兩此次克復吐魯番各城尤爲出力請免選教諭以知縣分發省分歸候補班儘先補用以昭獎勵出自逾格鴻慈謹附片具陳伏乞

聖鑒訓示施行謹

奏光緒三年四月二十五日

光緒三年五月初十日內閣奉

上諭左宗棠奏官軍攻克達坂城及托克遜堅巢並會克吐魯番兩城請將出力陣亡各員弁獎勵一摺

著軍自上年克復烏魯木齊後逆回怕夏與白彥

虎尙敢偷息於達坂托克遜兩處添築城垣負隅死守
本年三月間經左宗棠督飭道員劉錦棠派軍進剿於
初七十三等為將達坂托克遜各城隘一律蕩平並馳
會提督張曜與彭彪克復吐魯番滿漢兩城擒斬逆賊
萬餘人受降以數萬計左宗棠自督師以來屢克名城
調度有方實堪嘉尙劉錦棠出奇決勝允協機宜加恩
著賞戴雙眼花翎提督譚上連余虎恩譚拔萃譚和義
加恩均著賞給騎都尉世職黃萬鵬著賞給雲騎尉世
職陶生林等均著穿黃馬褂席大成等均著交部照頭

等軍功從優議敘湯仁和等均著賞給頭品頂戴章洪
勝著賞換銓色巴圖魯名號副將胡登花著免補副將
以總兵補用並賞換錫林巴圖魯名號參將田九福著
免補參將以副將仍留原省儘先補用並賞給壯勇巴
圖魯名號夏辛西著免補參將以副將儘先補用並賞
給振勇巴圖魯名號崔偉著免補參將以副將仍留原
省補用並賞換阿克丹巴圖魯名號畢大才等均著免
補參將以副將仍留原省補用畢大才並賞給信勇巴
圖魯名號馬正國並賞給直勇巴圖魯名號禹益長並

賞給利勇巴圖魯名號禹中海並賞給志勇巴圖魯名
號游擊李金良著以參將留於甘肅補用並賞給克勇
巴圖魯名號提督張浦等均著交部照頭等軍功從優
議敘葛致清等均著賞給頭品頂戴內歐陽勝等二員
並賞給正一品封典提督劉曉山等均著賞給正一品
封典總兵王秀維等均著賞給正二品封典總兵曾義
良著賞給資勇巴圖魯名號劉清輝著賞給桓勇巴圖
魯名號參將唐華光著賞給鋒勇巴圖魯名號游擊譚
上法著賞給固勇巴圖魯名號提督喻先達著賞換阿

爾杭阿巴圖魯名號張仕沐著賞換喀爾拜阿巴圖魯
名號總兵譚洪發著賞換瑚松額巴圖魯名號副將徐
文麟著賞換崔隆額巴圖魯名號參將彭禮堂著賞給
奇臣巴圖魯名號總兵王賢俊著賞給銳勇巴圖魯名
號參將陳錦泰著賞給果勇巴圖魯名號周龍渭著賞
給綽勇巴圖魯名號王泰福著賞給協勇巴圖魯名號
總兵周萬和等均著以提督交軍機處記名遇有提督
總兵缺出請旨簡放內鄧政升等二員並賞給正一品
封典周萬和並賞換蘇江阿巴圖魯名號劉福田並賞

換額騰額巴圖魯名號張佳志並賞換博慶額巴圖魯
名號岳珍並賞換施吉爾琿巴圖魯名號喻志興並賞
給揚勇巴圖魯名號許得勝並賞給尙勇巴圖魯名號
汪友德並賞給雄勇巴圖魯名號廖世泰並賞給奮勇
巴圖魯名號副將李柱堂等均著以總兵遇缺推補內
錫詠山並賞給捷勇巴圖魯名號龍春華等均著以總
兵交軍機處記名簡放內張俊良等三員並賞給正二
品封典王俊邦並賞給傑勇巴圖魯名號周大美並賞
給策勇巴圖魯名號參將董天海等均著以副將留於

甘肅儘先補用董天海並賞換音德本巴圖魯名號傳
其政並賞給叢勇巴圖魯名號趙自新等均著以副將
遇缺推補副將陳萬勝侯名貴均著賞加總兵銜陳萬
勝並賞給誠勇巴圖魯名號侯名貴並賞給碩勇巴圖
魯名號總兵王春發著賞給雄勇巴圖魯名號參將左
祥發等均著以副將儘先補用左祥發並賞給勦勇巴
圖魯名號宋祖喜並賞給勦勇巴圖魯名號楊其祥並
賞給偉勇巴圖魯名號李能傑並賞給敢勇巴圖魯名
號賞換花翎潘洪順並賞給達勇巴圖魯名號吳春魁

並賞給強勇巴圖魯名號溫振和並賞給勛勇巴圖魯
名號何克元著賞給效勇巴圖魯名號倪三星著賞給
赫勇巴圖魯名號參將張榮等均著以副將仍留各原
省儘先補用內郎得茂並賞給堅勇巴圖魯名號段發
義並賞給冠勇巴圖魯名號副將蔡福謙著賞給勝勇
巴圖魯名號並賞給二品封典參將李永昭著以副將
留於陝西儘先推補並賞制勇巴圖魯名號游擊萬先
益等均著以參將儘先補用萬先益等二員並著賞給
健勇巴圖魯名號參將王全勝著以副將留於甘肅補

用並賞給側勇巴圖魯名號游擊賀雲陶等均以參將
儘先補用賀雲陶並賞加副將銜張立德並賞給侃勇
巴圖魯名號張管英等二員並賞換花翎陳祥發著以
參將留於甘肅儘先推補李全忠著以參將儘先推補
並賞換花翎方統盛著以參將儘先補用程步鰲等均
著以參將仍留各原省補用程步鰲並賞給勇巴圖
魯名號王全喜並賞給嚴勇巴圖魯名號都司莊偉等
均著以游擊留於甘肅儘先補用內林語並賞換花翎
游擊王定德著以參將留於甘肅儘先補用並賞給勃

勇巴圖魯名號楊全盛著以參將留於陝甘儘先補用
都司劉萬福等均著以游擊儘先補用
都司黎貴發等均著以
游擊仍留原省儘先補用
黎貴發並賞給捍勇巴圖魯
名號趙楚南並賞給質勇巴圖魯名號李有倉等均著
以游擊補用
內詳用質並賞給才勇巴圖魯名號沈山
連並賞給赴勇巴圖魯名號李澤法並賞給章勇巴圖
魯名號張泰華並賞給勳勇巴圖魯名號譚用宸等四
員並賞換花翎
方有才等二員並賞換花翎
金湧華等

均著以游擊補用金漢華並賞給勵勇巴圖魯名號陳
桂華並賞給績勇巴圖魯名號馮國晉著免補都司以
遊擊留原省補用所有陣亡之總兵譚聲俊王隆秀副
將卅忠瑜龍雲亭遊擊劉得斌劉禹卿遊擊銜都司吳
英莫都司蕭雷堂羅德隆朱光亮胡世福李常定李紫
棠譚桂堂都司銜守備孫占武守備譚東成丁榮貴曾
啟明劉志開千總楊茂勝吳春榮李有堂譚斌臣王三
元凌順德謝典禮何定坤徐升發鍾吉祥把總劉輝祥
由運官劉德斌李秀春鍾漢臣黃進寶丁得勝謝長生

王昌榮孫治清李洪亮王明亮余大鵬均著交部各照
官階從優議卹以慰忠魂餘著照所議辦理另片奏請
將最爲出力之道員等獎勵等語道員羅長祐著賞加
二品頂戴並賞給精勇巴圖魯名號教諭楊嶽方著免
選教諭以知縣分發省分歸候補班儘先補用該部
知道欽此

擬保官階作爲底銜加保請

飭部註冊片

再臣上年奏報克復烏魯木齊各城戰狀光緒二年八
月十六日內閣奉

上諭其餘出力員弁兵勇著左宗棠查明彙案保獎等
因欽此當經恭錄行知劉錦棠等去後據查明出力各
員開單擬保前來臣覆核尙待具

奏茲據劉錦棠報克復達坂城托克遜堅巢並會師克
復吐魯番備漢兩城出力員弁請具

奏獎敘前來查所列各員有於前次克復烏魯木齊各
城案內已經擬保官階者均於摺內聲明卽作爲各員
底銜加保懇

恩飭部一併註冊臣擬於克復烏魯木齊各城保案內

卽便查照開除不致重複謹附片具陳伏乞

聖鑒訓示施行謹

奏

光緒三年四月二十五日

軍機大臣奉

旨知道了欽此

嵩武軍蜀軍會克城隘詳細情形摺

奏爲嵩武軍蜀軍連克城隘會同湘軍收復吐魯番滿
漢兩城詳細情形請

旨獎敘以勵軍心恭摺馳陳仰祈

聖鑒事竊官軍會克吐魯番大概情形臣已於三月二
十九日專摺馳陳先慰

聖鑒茲據廣東陸路提督騎都尉世職加一雲騎尉世
職霍欽巴圖魯張曜記名提督雲騎尉世職哈西巴巴
圖魯徐占彪續報張曜與徐占彪得劉錦棠緘告擬募

春之初大舉南干維時張曜已先派所部記名提督博
奇巴圖魯孫金彪分統五營先紮東西兩鹽池三月初
一日率大隊由哈密繼進徐占彪率所部由巴里坤古
城中段穆家地溝撥山而進與孫金彪會師於鹽池議
以七克騰木地方堅壘爲吐魯番要隘賊所必爭初五
日徐占彪飭提督何玉超尖營總兵黃祖福率馬步
三營暗度戈壁初六夜抵張家卡賊壘夜靜更鼓稀少
似尙不知官軍已至也何玉超等選派勇卒數十由北
隅攀登周廡而呼號鼓齊發賊攬衣起倉卒不知所爲

官軍乘隙啟門一擁而入遂奪卡壘據之初七日何玉超等率隊進攻七克騰木初八日徐占彪察看地勢分軍三路進攻同日孫金彪率隊齊至四面合攻連施鎗礮兩軍愈戰愈猛賊不能支奪門逃竄有紅衣賊目一名領羣賊出戰兇悍異常徐占彪飭礮手指擊應聲而倒羣賊向西路狂奔徐占彪孫金彪督隊躡追沿途斃賊約百數十名生擒五名奪獲鎗械百餘件戰馬二十餘匹初九日乘勝進攻闢展甫至城邊賊望風而遁徐占彪孫金彪督隊躡剿斃賊數百生擒三十餘名孫

金彪所部陳擒安集延賊二十五名內頭目一名裝束稍異供名才米邪斯係安集延酋派守關展城者訊畢斬之遂復關展城是役計奪獲鎗械百餘件健馬數十匹此三月初六日初八初九等日攻克張家卡七克騰木各城壘並會克關展城之實在情形也孫金彪等會議賊或調集醜類節節準備則攻取爲難不如出其不意迅速掩擊易於蒞事十一日各率所部分道急進徐占彪率所部蜀軍由左孫金彪率所部嵩武軍由右十二日抵連木沁城賊聞官軍驟至紛紛出竄孫金彪督

隊疾馳斬賊數十名立將連木沁城克復查該處係新築之城城中纏回甚多跪地乞撫孫金彪受之並將所獲牛馬發給撫回張貼告示令其安業仍督隊抵勝金臺該處亦有新築土城踞賊數百背城迎拒孫金彪飭步隊與賊挑戰飭游擊林秀全等率馬隊繞後抄擊賊陣遂亂四散狂奔立將勝金臺新城攻拔追斬騎賊二百餘名生擒數十名內有安集延兵二十餘名奪獲鎗械數十件是日辰刻徐占彪督隊抵魯克沁城賊見官軍至卽列隊城邊拒戰我軍以馬隊衝之賊亦以馬隊

抵禦我軍步隊以長矛繼進騎賊卻退由城北折轉城
西向吐魯番竄去城中守賊亦奪門西遁兩軍仍會合
於哈拉和卓城東城中守賊倉黃出走飭馬隊躡追敗
之收隊入城安撫本地回民十三日丑刻兩軍疾趨行
距吐魯番十餘里地方探報賊已傾巢出竄劉錦棠已
由達坂派馬步各營星夜由北面馳至三軍會同收復
吐魯番滿漢兩城安集延所立阿奇木偽官馬人得降
於軍前本地纏回萬餘羅拜乞命劉錦棠所派遣員羅
長祐孫金彪徐占彪受之令呈繳馬械各安生業查吐

魯番漢城本經回所居滿城爲安集延所踞逆豎海古
拉修建僞府壯闊逾常其軍械軍糧萃聚於此事後籍
獲賊糧數十石賊儲子藥約三十餘萬斤此三月十二
十三等日嵩武軍蜀軍連克魯克沁城連木沁臺勝金
臺哈拉和卓城會同收復吐魯番滿漢兩城之實在情
形也竊維吐魯番舊本車師王庭形勢與古城並重大
軍由東道進規南八城必問途於此回亂以來地爲安
夷所踞防守益嚴安酋怕夏自占踞吐魯番征歛繁重
厚使其民纏回若之久矣願爲其詐力所屈欲自拔而

不能臣上年擬下兵南疆當三路同時並進使賊備多
力分不至爲所牽綴而張曜徐占彪兩軍進取之期合
各以防所遠近爲先後尤必由劉錦棠酌定師期庶幾
程途適均不至彼此參差以愆期致貽後悔而哈密抵
吐魯番爲程千一百餘里巴古中間取道穆家地溝通
車大道以抵吐魯番亦七百餘里尙不若由烏魯木齊
取道達坂城抵吐魯番僅只四百餘里之較捷也茲張
曜徐占彪一聞劉錦棠進兵有期卽各自防所絡繹奔
赴三月初五日以後次第攻克城卡遄赴戎機卒能於

十三日與劉錦棠別部同時會克吐魯番滿漢兩城以
戰事言似未若達坂托克遜之神奇而破敵之果赴機
之速實微臣始願所不及也非將士踴躍用命其效固
不臻此應懇

天恩先加甄敘以昭激勸廣東陸路提督騎都尉世職
加一雲騎尉世職霍欽巴圖魯張曜職男最優才兼文
武籌剿籌撫曲協機宜應如何

破格優獎之處出自

天恩

賞穿黃馬褂記名提督雲騎尉世職哈西巴巴圖魯徐

占彪

賞穿黃馬褂記名提督博奇巴圖魯孫金彪以上二員

均請

賞給頭品頂戴記名提督綢僧額巴圖魯宋賢聲記名

提督霍霏彥巴圖魯何王超以上二員均請

賞穿黃馬褂記名提督德楞額巴圖魯李玉春請

旨交部照頭等軍功例議敘提督銜記名總兵王明泰
記名總兵李永芳以上二員均請以提督儘先題奏總

兵銜儘先補用副將楊壽自請以總兵請

旨交軍機處記名

簡放並請

賞加提督銜副將銜儘先補用參將喬鳳來請以副將
儘先補用並請

賞加總兵銜副將銜儘先遊擊孫萬林請以副將儘先
補用副將銜儘先游擊石玉山請

賞臉勇男副將銜儘先游擊林秀全請以參將儘先補
用並請

賞給勇號補用都司王明蘭妻成立以上二員均請以
游擊儘先補用並

賞加副將銜補用千總孟廣山請以守備儘先補用並
請

賞加都司銜開復補用總兵黃祖福請免繳捐復銀兩
副將銜儘先補用參將易勇巴圖魯秦玉盛請以副將
儘先補用並請

賞換清字勇號儘先補用遊擊蔡義興請以參將儘先
補用並請

賞給勇號留甘補用都司谷振傑請以遊擊仍留原省
儘先補用並請

賞加參將銜儘先補用都司牟春陽屢登第以上二員
均請以遊擊儘先補用並

賞加參將銜儘先補用守備師九成請以都司儘先補
用並請

賞加遊擊銜藍翎拔補把總雷福菴請以守備儘先補
用並請

賞換花翎其餘出力員弁兵勇容俟查明彙案保獎所

有嵩武軍連克城隘並會師克復吐魯番滿漢兩城詳細情形謹會同幫辦新疆軍務大臣伊犁將軍臣金順恭摺馳陳伏祈

皇太后

皇上聖鑒訓示施行謹

奏
光緒三年四月二十五日

光緒三年五月初十日內閣奉

上諭左宗棠奏官軍會克吐魯番城詳細情形一摺本年三月間提督張曜等會師進剿督率各軍由哈密巴

里坤分道疾馳奪據賊壘攻拔七克騰木及開展等城
乘勝復將連木沁勝金臺等處次第攻克擒斬甚多賊
衆不支由西北竄向吐魯番城官軍會合剿擊馬步並
進當將吐魯番滿漢兩城同時克復收撫降回均令各
安生業左宗棠籌畫調度均合機宜張曜等迅赴戎機
剿辦得手此次出力員弁自應量予獎勵廣東陸路提
督張曜著賞給一等輕車都尉仍兼一雲騎尉世職提
督徐占彪保金彪均著賞給頭品頂戴宋賢聲何玉超
均著賞穿黃馬褂李玉春著交部照頭等軍功例議敘

總兵王明泰李永芳均著以提督儘先題奏副將楊壽
山著以總兵交軍機記名簡放並賞加提督銜參將翁
鳳友著以副將儘先補用並賞加總兵銜遊擊孫萬林
著以副將儘先補用石玉山著賞給濟勇巴圖魯名號
秀全著以參將儘先補用並著賞給穎勇巴圖魯名號
都司王明蘭姜成立均著以遊擊儘先補用並賞加副
將銜千總孟廣山著以守備儘先補用並賞加都司銜
總兵黃祖福著免繳捐復銀兩參將秦玉盛著以副將
儘先補用並賞換噶爾薩巴圖魯名號遊擊蔡義興著

以參將儘先補用並賞給忠勇巴圖魯名號都司谷振
傑著以遊擊仍留原省儘先補用並賞加參將銜李春
陽廖登第均著以遊擊儘先補用並賞加參將銜守備
帥九成著以都司儘先補用並賞加遊擊銜把總雷福
菴著以守備儘先補用並賞換花翎其餘出力員弁兵
勇著准其策案保獎毋許冒濫該部知道欽此

請 飭撥部款暫濟急需片

再 臣軍餉源早涸前蒙

天恩飭各省關提前合解四百萬兩餘均解八成以上

倘一時未能驟集巨款准向本地富商議息湊借先期解甘仍各按每月應解之數分期剴還商款所有息銀卽由西征餉內剴扣以期迅速跪聆之餘欽仰

聖慮周詳所有軫念邊軍體恤疆吏者實已無微弗喻各省關大吏時艱同值諒無不竭力殫忱勤籌挹注俾得速赴戎機惟臣查西征臺局月報今歲四月以前收到各省關協款不足三十萬兩尙未若從前報解之勤前敵各軍已於春融連克要隘名城現正進規喀喇沙爾機有可乘曷敢藉口餉事虛懸久停以待雖幸幫辦

事務太僕寺卿

臣

劉典極意撙節騰挪遇協餉到甘卽

時委解肅州於各防營每月應發鹽菜糧價但向蘭州

商號展轉湊借聊資點綴陝西撫

臣

譚鍾麟目睹艱若

情形同深焦灼飭軍需局陸續湊借銀三十萬兩暫救

然眉無如久餓之夫壺殮難於續命何也

臣

於內外各

軍請發價脚局費稟牘到營輒繞帳徬徨莫知所措又

不敢明以餅罄壘竭籌畫維艱實在情形示之牘尾致

懈軍心此際此情不但局外未足與言卽局中亦有難

於盡諒者伏思各省關大吏縱肯提前協解必少大宗

比及到甘則前竭後空於大局終鮮裨益且相距太遠非三數月之久不能運解到甘由甘運肅由肅運至前敵數千里道阻且長又非數月不達是前敵諸軍半年中有餉需斷絕之憂嘉峪關內外各局林立糧料薪草騾駝轉運價腳半年中有分文不給之債也事機一滯廢緒難以復尋臣與劉典但能盡節餉之方所處苦無生財之道昨於南路各城之克聞者皆爲色喜臣等身在事中但覺懸師絕域爲可憂絨贖往還有苦詞而無吉語者以此軍興以來度支不繼者甘有餘載臣辱承

恩命恩迹行間每聞太府空虛寢食俱廢雖當窮苦至極未敢請及部款茲值新疆南路戍機順利盼餉正殷微臣設措無方心力交瘁各督撫遵籌巨款既難刻期到甘再四思維除暫請部庫存餉實屬別無捷法伏懇天恩飭部籌撥存銀二百萬兩暫濟急需俟各省關提前四百萬兩及八成以上各款起解稍有成數臣通盤籌算將先後息借各款一百一十萬兩挪用陝餉三十萬兩截清歸還應出各款酌量點綴仍當隨時奏咨聽候部臣指提填還部款一轉移間邊軍得免飢潰而部

款亦或不致久懸矣是否可行敬候

聖慈裁酌謹附片陳明伏乞

聖鑒訓示施行謹

奏
光緒三年四月二十五日

軍機大臣 字寄光緒三年五月初十日奉

上諭左宗棠奏官軍進規南路連克城隘並收復吐魯番詳細情形各一摺均經明降諭旨宣示將出力陣亡各員分別獎卹矣關外軍情順利吐魯番等處收復後南八城門戶洞開自當乘勝底定回疆殲除醜類以竟

全功惟計貴出萬全事必要諸可久吐魯番固爲南路
要隘此外各城如阿克蘇尙有可據之形勢否回酋報
知怕夏縛獻白彥虎繖回南八城之說是否可恃伊犁
變亂多年前此未遑兼顧此時如能通盤籌畫一氣呵
成於大局方爲有裨該大臣親總師干自以滅此朝食
爲念而如何進取如何布置諒早胸有成竹爲朝廷紓
西顧之憂其卽統籌全局直抒所見以慰廑念另片奏
請撥部款二百萬兩已令戶部速議具奏俟議覆後再
降諭旨將此由六百里諭令知之欽此